

نومبر ۱۰ غوروشده .  
سنه لکي پوسته ايله ه ليرا .  
( اجنبي مملکتلر ايچين ه دولار ) .

ابونه و اعلان ايشلري ايچين استانبول بوروسه  
مراجعت ايديليز .  
يازي ايشلرئلك مرجعي انقره مزلئيدر .

# حيات

حيات دأما حيات... دنيا دأما جوق حيات قاتالم...

اداره مركزي :

انقره ده ، استانبول جاده سنده انقره  
معارف امينلکي يانئده کي دائره

استانبول بوروسي :

استانبول ده ، باب عالي جاده سنده ۱۱۹ نومرولو  
دائرة مختومه  
تلفون : ۳۶۰۷

صافي : ۲۴

انقره ، ۱۲ مایس ، ۱۹۲۷

۱ نجی جلد



## انقلابی طائیدیر من خصوصنده وظیفه من

تورک انقلابی ، اونک استهداف ایتدیکی غایبی  
خارج قارشی طائیدیر من ، یگی نسله بو انقلاب  
مفکوره سنی آشیلماق ایچون یاپیلان ماسی ، صرفه  
مجبور اولدیغیز فعالیت یانئده مع التأسف جوق ضعیفدر .  
بگی تورکیه بی اگلامق ایچون انقره به کلن و بر جوق  
عاسلرده بولونان اجنبي مخابر لر تورک ملتک کوسته ردیکی  
قدرت قارشینده ، بویوک غازینک شخصیتی اوکنده  
درین بر حرمت دو بویورلر . فقط تورکیه ده کی درین  
تحوک ماہیتی قاورایامیورلر . بونی بالذات بر قاچ  
اجنبي مخابر بکا آجیقندن آجیغه سوبلیدیله «تورکیه ده  
عظیم بر تحول وار ، جوق قوتلی بر اراده نک اثرینی  
کورویورلر . فقط انقلابک استقامتی اگلا یابیلک کلکمز  
ایچون بو قدرتک اجتماعی عاملرینه ، مؤثرلرینه نفوذ  
ایتمک کلکمز لازم ... بونی یابامیورلر» دیورلر .

بر شینی اگلامق اونی وجوده کتیره عامللری  
سبیلری تحویل ایللمکله ممکن اولور بر انقلابی اگلا یابیلک  
وا گلا تابلیمک واستقبالی حقنده تخمینلرده بولونایلمک  
ایچون اولاً بو انقلابی حاضرلایان اجتماعی عامللری  
تدقیق لازمدر . بز انقلابک ایچنده اولدیغیز ایچون  
اونک روشنی دیوبیلیرلر . فقط دویمق ، اگلامق و اگلامق  
کافی دکلدرد . دیوبولان شیک سبیلری اوزرنده دوشونه دجه  
بر سیستم داخلنده اورتایه قونادجه اگلا شیلیمش  
وبناء علیه یابانجی به اگلا تیله بیله جک حاله کلش اولماز .  
اونک ایچوندرک بر فکر جریانک ، بر اجتماعی تحووک  
«ایده اولوژیسی» یاپیلما دجه یابانجیلر ایچون دائمهم  
قالیر . دیگر جهتدن مستقبل نسله بویوکونک مفکوره سنی  
تلقین اتمک مجبور اولان مریبلرک ، انقلابی ، بویوکونک فکر  
جریانلرینی اگلامش اولماسی ، یعنی بو جریانی اسبابی  
اعتباریله بر طرفدن ماضی به ربط اتمه سی ، دیگر طرفدن  
ماضی ایلله اونک آراسنده کی فرقلری واضح بر صورتده

کورمه سی ایجاب ایدهر . بوده بر انقلابک «ایده اولوژیسی»  
یابیلمه سیله قابلدر .

حالبوکه مع التأسف بویوک تورک انقلابک بر  
سیستم داخلنده ، سبب وعامللری آراشدیر یلامش ، تورک  
ملتک عظیم روحی تحوولی کوسته رن بر اثر اورتایه قونامشدر .  
بویوکونکی حیاتی واضح بر حاله قویان ، آیدینلانان فکری اثر  
یالکز بویوک غازینک اکیوکسک ، اکیدرین تفکر اثری اولان  
نظریلریدر . الیزده اونک خارجنده ، انقلابک نه هدفی ، نه ده  
سبب وعامللرینی کوسته رن بر اثر واردر .

بو بویوک نقصانی ازاله ایللمک دارالفنونک وظیفه .  
سیدر . دارالفنون صوک بر عصر ظرفنده تورک ملتده کی  
عظیم تحوولی مرحله مرحله تنویر ایتلی و فکر  
جریانلرینک تعاقبنی و سبیلرینی کوسته رن جک تدقیقاده  
بولونالیدر . تاکه یاشادیغیز دورک هیچ اولماز  
یاقین سبیلرینی هم کندیز بیللم ، هم باشقه لرینه  
کوسته رن بیللم . حالبوکه صوک زمانلرده کی نشریانه  
باقارسه کز بوتون مدسلریمک تدقیق مرکزی اسلامیتدن  
اولکی تورک حیاته حصر ایش کورورسیکمز .  
بو تدقیقات تورک حیاتی تنویر ایتک اعتباریله البته  
فائده لیدر ، ملی تاریخیمزی تدوین ایچون لازمدر .  
فقط بویوکونکی حیاتیمک یاقین سبیلرینی تنویر ایللمک  
تاریخی تدقیقاتی تماماً اعمل ایدهرده کوزلریمزی هپ  
بردن ، جوق اوزاق عصرلره چویر برسه بویوکونکی  
حیاتیمزی ناصیل اگلا یاجیز و ناصل اگلا ناجیز ؟  
صوک بر عصرک تورکیه حیاتیمک مختلف جبهه لرینه ، سیاسی ،  
اقتصادی ، فکری حیاته عائد وثیقه لر و تماماً علمی تدقیقلر  
نشر اتمه مش اولان بر مملکتده بوتون تاریخچیلر اون  
بش ، یکریمی عصر اولنه چیقارلرله بویوکونکی حیاتیمزی  
آیدینلاتاجق وثیقه لری کیمدن بکلله جکمز ؟


تورک تاریخیمک ماضیسنی تنویر عشقنی اک جوق  
آشیلایان ضیا کویک آلپ مرحوم اولمشدی . ضیا بک  
حرث ومدنی یکدی کیرندن تماماً آیراجاق وجهله تعریف  
ایتدکن صوکرا تورک حرثی تدوین ایدیه بیلیمک اوزره  
بو ماضیمک تنویرینی ایسته یوردی . ضیا بک زماننده بوتنه ز  
حقیقه فکری بر انقلاب ایدی ، چونکه ضیا بک اسکی ایمیرا  
طور لک اسلامی تأثیردن قور تولماسی و بویولده ایلرله مهنی  
ایسته یوردی . بونک ایچون تورکک اسلامدن اول برمدنی  
اولدینی فکری یایمق لازمدی . نظرلری بو جوق اوزاق  
ماضی به کورتورمک ، اوزمان ایچون ، ایلرله مهنک شر-  
طیدی . چونکه تورک ملتی اسلامیتدن اولکی ماضیسنی  
بیلیمکله کندی وارلغک ، کندی مدنیتک اسلام اقوامندن

آیری اولدیغنی حسن ایللمک ، اسلام ایچنده قالدینی زمانی  
یالکز بر مرحله عد ایللمک و بناء علیه بو مرحله بی  
کچمک ومعاصر مدنیته انطباق ایللمک ایچون لازم کلن  
شرایطی حائر اولدیغنه ایستنا جقدی . بو طبق لونه رک عیسا  
دورینه رجوع ایتک مبدأیله حرکت ایدهرک خرستیانلق  
ایچون بکی بر استقبال آچاسی کیدی . ضیا بک بونده موفق  
اولدی . ضیا بک کوزلری ماضی به دوغرو سوق ایچون  
نشریانه بولنورکن تماماً حسی حرکت ایتیه یوردی .  
شوکا هیچ شبهه ایتمه لیدرک بویوک متفکر هر شیدن اول  
عمل و حیاتی کوز اوکنده طوتان بر انقلابی ایدی .

حالك احتیاجی ، فکری انقلاب یامانک یولی  
غایت اینی کورور ایدی . تورک شعورینی اویاندیرمق  
واوکا حمله ویرمک ایچون کوزلری ماضی به چویرتدیر-  
مشدی . شیمدی تورک ملتی شعورینی جوق قوتله  
دوبدی ، بویوکونک اسلامی سلطه لرله الی قوی باغلی  
دکلدرد . زمانیمز ایچون اک مهم احتیاج ماضیمک تدقیق  
سایه سنده وجدانلره حریت ویرمک دکل ، بویوکونکی  
حالك وضوحه یاردم ایتک و یارینی تنویر ایتکدر .  
تاریخچیلریمز بویوکونکی حیاتیمک یاقین سبیلرینی  
کوسته رن جک و ثانی نشر ایللمک و یاقین ماضی ایلله  
بویوکونکی آیران نقطه لری تدقیق ایتک مجبوردر .

یاقین ماضیمک بوسورتله تدقیق حالی اکلایر ،  
حال برطاقم تایللرک مجموعیدر . او وقت بو تایللر  
وضوح پیدا ایدهر ، بوسورتله استقبال آیدینلانیر .

یاقین برماضیمک ، مثلاً صوک بر عصر ظرفنده  
تورکیه ده کی فکر جریانلرینک تدقیقک حالی ناصیل تنویر  
ایللمک جکمی ، بویوکا نه درجه محتاج اولدیغیمزی محدود  
بر مثال ایلله اگلامق ایسته یورم : تورکیه نک صوک  
عصر فکر تاریخیمک اک مهم وقعه سی هیچ شبهه  
یوق که تورکیلک جریانیدر . تورکیلک ناصل باشلادی ،  
نه کی سبیلرله دوغدی ، نه کی فکر جریانلرله ، نه کی  
تایللرله چارپیشدی . بونلرک تدقیق هر حالده تورکیه نک  
صوک دوری تاریخی تنویر ایتک ایچون لازمدر . بو خصوصده  
اطرافلی یاپیلاجق بر تدقیق انقلابه تقدم ایللمک دوری  
بزه واضحاً کوسته ریر . تورکیلک وضوح پیدا  
ایتمه سی بالخاصه بالقان حربیله باشلار . بوزماندرک ضیا  
کویک آلپ تورکیلکک ایدیه اولوژیسنی یامشدر . تورکیلک  
جریانیمک حدودینی ، احتوا ایتدیکی تایللری بر منظومه  
فکریه حالنده یالکز اونک اثرلرنده کوریه ییلیرلر .  
شیمدی بونلرک اینی بر طرزده تدقیق انقلابه تقدم



## یکی حکومت مرکزلی

حرب عمومی بی متعاقب بر جوق یکی حکومت مرکزلی تأسیس ایدلدی. بونلرک بر قسیمی وار شووا، پشته، پراغ، قوونو، ریفای، روال، هلسینگفورت، نیران.. کبی یکی شکل ایدن حکومتلرک مقریدر؛ بر قسیمی ده آوروپاده موسقوا، آسیاده یکی دلی، اوسترالیا ده کنبه ررا.. کبی اسکی حکومت مرکزلی نکل نقلی صورتیله وجود بولشدر. صوک زمانلر ده رومانیا نکل ده پایتختی بکرشدن بر اشوو (قرونشاد) ه نقل ایتمک تصورنده اولدیغی، جنوبی چین حکومتلرک ده او هان شهرینی مرکز اتحادیتدیکنی غرنه لر خبر ویرمکده در.

آوروپاده یکی شکل ایدن حکومتلر عصرلر دئیری حرثی و قسماً اداری استقلاللرینه مالک اولدقلری ایچون مرکزلی ده آز جوق تقریر ایتدیرمشدری. بو مرکزلی متادیا انکشاف ایتمکده اولان شهرلردی. حتی بعض حکومتلر مرکزلی، مدنی سویه لرینک فوقنده، مکمل وجیم شهرلر توارث صورتیله قوردیلر. «وارشووا» و «بودا» پشته «داها» بر جوق عصراول عینی حکومتلرک یعنی لهستان و مجارستانک پایتختی ایدی. اوزماندئیری استیلا آلتنده بولوناسنه رغماً متادیا انکشاف ایتمش و تأسیساتی آرمشدر. بر عصر اول هر ایکسینکده نفوسی ۱۰۰ بیکدن زیاده دکل ایکن حرب عمومیدن صوکر ا تکرار حکومت مرکزلی اولدقلری زمان میلیونلر برر شهر حانده ایدیلر. «پراغ» ویا چه کلرک تلفظنه کوره «پراها Praha» ۱۸۰۳ ده ۹۹ بیک نفوسه مالکیدی. ۱۹۱۸ سنه سنده ایسه دارالفنونلری، موزه لری، اوپرا و تیاترولری.. خلاصه هر درلو تأسیساتیله برابر یاریم میلیونلر مکمل بر شهر حالنده ایدی. چه کلر ده حاضر بر شهری کندیلرینه مقر حکومت اتحادیتدیله. فینلاندا نکل مرکزلی اولان «هلسینگفورتس» فینجه Helsinki ویا «Ukmaa» ۱۸۰۸ اسوچ - روس محاربه سندن صوکر ا یکیدن انشا ایدلش بر ساحل شهریدی. لیمان تأسیساتی، فابریقه لری و سائر مؤسساتی تمامیه یکی طرزده یاپیلمشدی. ۱۸۲۷ ده فینلر بوراده بردارالفنون ده وجوده کتیرمشدری. ۱۹۱۴ ده ۲۰۰ بیکه یاقین نفوسه مالک بولونیوردی، بوکون ده عینی مقداری

تجاوز ایتمکده در. بوتون نفوسلری بر بوجوق ایکی میلیوندن عبارت اولان استونیا، له تونیا، لیتوانیا کبی بالطق حکومتلری ایسه یکانه بویوک شهرلری اولان حکومت مرکزلی اوزرنده حالان تأسیس نفوذ ایله مشغولدرلر. یوز بیک نفوسلی «روال»، ۲۷۰ بیک نفوسلی «ریفای» اسکی چار حکومتی طرفندن انشا ایدلش ساحل شهرلریدر. اوق دردنجی عصرده ده لیتوانیا نکل پایتختی اولان «قوونو» ویا «قاوناس Kaunas» ۹۰ بیک نفوسلی بر تجارت شهریدر. شونی ده علاوه ایدلم که شیمیدی به قادر ذکر ایتدی کمز بوتون بوشهرلرک هان یاری به یاقین نفوسی موسویلر تشکیل ایتمکده در.

سوویت جمهوریتلری اتحادینک اداره مرکزی اولان «موسقوا» ایسه اسکیدنبری «روس شهرلرینک آتاسی» اوله رق طایفه مده در.



تأسیس تاریخی ۱۱۴۱ سنه منه قادر چیقان موسقوا یالکیز بر معبد و سرای شهری اوله رق قالمش بالخاصه ۱۹ نجی عصرک نصف اخیرنده شهر باشدن باشه طاشدن بنا اولونش، هر درلو تأسیساتی اکمال ایدلشدی. حرب عمومیدن اول شهرک نفوسی ۱۰۸ میلیون ایدی. سوویت جمهوریتی حکومت مرکزلی پترسبورغدن موسقوا به نقل ایدرکن اوقادر بویوک مشکلاته اوغرامادی، تمامیه معبور بر شهرده اجرای حکومته باشلادی.

صوک زمانلر ده آسیا و اوسترالیا ده اوچ یکی پایتخت شکل ایدی. جنوبی چینده قانتونلیر یانچیه نه ری اوزرنده بر برینه پک یاقین بولونان «اوچان Uchan» و «هانقو Hankau» شهرلری

«او هان Uhan» نامی آلتنده طوبلا به رق کندیلرینه پایتخت انخا ایتدیله. آرتق چینک مقر اداره سی بوراسی اولاجنی آکلا شیلور. بوکون تقریباً بر بوجوق میلیون نفوس مالک اولان بویکی پایتختک یاریم عصر صوکر ا دنیانک اک بویوک بر شهری اوله جنی ادعا ایدلکده در. ۱۹۱۲ سنه سنده انکلتره قرالنک ایکنجی اوغلی «سیدنی» نکل جنوبنده ساحل لردن اوزاق اولان «کنبه ررا Ganberral» موقعنده اوسترالیانک یکی پایتختنده بارلامنتو بناسنک ایلاک طاشنی وضع ایتمشدی. اوچ سنه اول کنبه ررا نکل نفوسی ۳۷۰۰۰ قاداردی. فقط اخیراً حکومت مؤسساتی نقل ایدله به باشلادقن صوکر ا آرز بر زمان طرفنده بش اون بیک نفوس بردن آرتدی.

۱۹۱۱ سنه سنده هندستان امپراطور لفتنک مرکزی بنغال ساحل لرینه یاقین اولان قالدکوته دن قالدیریله رق مملکتک هان وسطنده و غاثرک قوللرندن جومنا نه ری اوزرنده «دلی» شهرینه نقل ایدلشدی. هندستانه تورک حاکمیتک ایدی بر یادکاری اولان دلی عتشم سرایلری، معظم جامعلریله باشدن بر تورک موزه سیدر. امپراطور لقی مرکزلی بوراده ده بر اقلیه برق کچن کانون ثانی نکل ۱۸ نده هندستان والی عمومی هند بارلامنتوسنی و حکومت مؤسساتی دلی نکل جنوبنده صوک اون بش سنه طرفنده تمامیه یکیدن انشا ایدیلن «نیو دلی» شهرینه نقل ایتدیردی. هنوز شهرک نفوسی حقنده قطعی برشی موجود دکلد.

ویردی کمز شوکوچوک ایضاحاتدن آکلا شیلدینی اوزره آنقره نکل مقر حکومت اولاسی دیگر یکی حکومت مرکزلرندن تمامیه باشقه شرائط آلتنده وقوعه کلشدر. آنقره بی حکومت مرکزلی یاپانلر هم دولتی، هم مرکزلی یکیدن قورمق مجبوریتنده قالدیلر. آوروپانک یکی حکومتلری مرکزلی عصرلر دئیری حاضر لامشدری. اونلر قورولش بر تخه اوتوردیلر. شرقده کی یکی مرکزلی ایسه هندستانده و اوسترالیا ده اولدینی کبی مؤسس بر اداره نکل مرکزلی نقلدن عبارت اولدی. آنقره حکومت مرکزلی اولدینی زمان باقیمسز قالمش خراب تورک وطننک تمثالی ایدی. بوراده طبیعتک کوستر دیکی بوتون مشکلاته اوغراشه رق بو ایصسز بردن معبور بر شهر چیقارمق یکی تورکیه نکل یاپدینی و یاقنده اولدینی معظم ایشلرک مادی برغونه سنی کوستر مکدن باشقه برشی عد ایدله من.

حامد سعیدی

